

Preparaziun bato en sabeda, 14/09, La Val, dales 15.00-17.00; 328 07 17 796.

SAN MARTIN

Tl mëis d'agost éel gnü mudé fora l'implant eletronich dles ciampanes söl ciamparin de nosta dljia. L'implant vedl, fat dan da ca. 50 agn, ne funzionâ nia plü: tres indô éel na ciampana o l'altra che ne jô nia plü. La dîta spezialisada n'â nia plü i toc da baraté fora les perts rotes. Porchêl éson stâ sforzâ dá istalé n implant eletronich nû che á costé 16.600 euro. I periun dër bel la popolaziun do osc contribut por curi chêsta spêisa. Bel dilan de vigni oferta (cunt dla cõra IBAN IT11J 08010 58830 000304004922). *Le Consêi d'Aministrazion.*

Sõn la plata internet de nosta ploania éel gnü metü n valgõnes fotografies dla festa de comié y rengraziamént a siur Iaco; ciarede: *Val Badia online S. Martin*

LUNGIARÜ

Incö domënia, al 01 de setëmbër, tolunse comiè da siur Iaco Ploner che é sté 5 agn nosc ploan. Sciöchë sègn de reconescënza y de dilan inviunse dõta la comunitè ala Mëssa solëna dales 8.15. Dedô s'abinunse duc cun siur Iaco tl salf de paisc a n' agape de conferta. *Le Consêi de Cõra.*

Sëra cun le "Bal Popolar Val Badia" y intratignimént musical en dedolönesc, ai 3 de setëmbër, dales 21.00, söl paiun a S. Martin; da bur tēmp tl salf stödafüch

Curs de 5 sères dai 16 ai 30 de setëmbër, dales 19.30, tl Raiun Sozial Picolin por familiars che fej le guern a ciasa, por n grup stlüt che tol pert a dõtes les incuntades. Al é debann. Prenotaziuns cina lönesc, ai 09/09: 0474 52 45 52 - lönesc, 16/09: Sorvisc y sostëgn che dëida da fá le guern cun les colauradësses dl'Assistënza y Cura dl Raiun Sozio-sanitar Val Badia - mercuri, 18/09: Co pói pa scone mi spiné, canch'i feji le guern? cun Valeria Moling, infermiera dl Raiun Sanitar Val Badia - lönesc, 23/09: I feji le guern y ciari de me (por todësch) cun le dot. Anton Huber, psicologh tl Ospedal da Bornech - mercuri, 25/09: Co adaté l'abitaziun a jënt atempada cun le Sorvisc de consulënza por le abité sigü por seniors – Wohnberatung für Senioren cun colauradus dla „Arche“ tl KVV - lönesc, 30/09: Mangé sann por jënt vedla cun la dietista Silvia Pitscheider y concluiun dl curs, surandada di atestac de partezipaziun y pice buffet

Dõt le bun a chi che complësc i agn de setëmbër

a San Martin



Paul Planatscher che nen complësc 82 ai 3
Fr. Felix Ploner che nen complësc 89 ai 5
Ida Rubatscher Erlacher che nen complësc 82 ai 10
Rita Zingerle Tavella che nen complësc 80 ai 14
Maria Grünfelder Flöss che nen complësc 90 ai 20
Stina Bioc Clara che nen complësc 82 ai 23

a Lungiarü

Paul Clara che nen complësc 87 ai 6
Regina Daporta Mischì che nen complësc 94 ai 12
Albina Pezzei Mischì che nen complësc 84 ai 20



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194



01.09. – 08.09.19 nr. 40

ultimo termo por comunicaziuns: jöbia dales 20.00

radio: 90,40 / 93,70

22ª DOMÈNIA ia por l'ann C

Vangele do Lüca 14,1.7-14

Te chël tēmp á Gejú dit al farisé che l'â invié a past:

Sce t'es invié a n past da noza, va, canche te vëgnës, a tó ite l'ultimo post; spo gnarà chël, che t'â invié, y te dijarà: Mi amì, vî ma plü inant!

Chësc sarà por tè n'onur dan da duc i atri ghesc.

Deache chël che s'inalza gnarà umilié, y chël che s'umiliëia gnarà inalzè.

Inant ti á Gejú dit a chël che l'â invié:

Sce t'ofrëscës da misdé o da sëra n past,

spo ne stè a invié tû amisc

o tû fredesc, tû parënc o tû vijins ric;

zënza t'invieii inçe ëi,

y cun chël te vëgnel dõt indô retü.

Nou, canche t'ofrëscës n past,

spo invieia ite pûri, storpia, zoç y verc.

Tö saras beat,

deache ai ne po nia t'al rete;

al te gnarà retü dala ressourceziun di iüsé.



Al sozed dainré ch'i gnun invia a n past y ch'i podun jí a se senté ti pröms posc. Plütosc sozedera tla vita da vigni de, ch'i porvun da ti sciampé dant ai atri, o ch'i chiriun la compagnia cun porsones alaingrana, respetades o riches, co ch'i se dun jö cun porsones ala buna che ne vel nia gran tröp tla sozieté.

Al ó ester bindebó de forza daite da jí por le tru de Gejú:

"Chël che s'inalza gnarà umilié, y chël che s'umiliëia gnarà inalzè."

Gejú nes invieia da ti porté, da nos infora, stima y atenziun a chi

ch'i sun tentá da trascuré y da lascé da na pert,

deach'ai n'é nia interessanc o ch'ai é muri y stofusc o massa ala buna por nos.

Magari pól ester che la conferta cun chisc nes condüjes nia al pröm post, mo i rovarun dessigü a na maiú contentëza te nosta anima.

	SAN MARTIN	LUNGIARÜ	 <i>I periun do l'intenziun dl Papa por le mëis de setëmbër</i> <i>I periun che i governanc, i scienzià y i responsabli dl'economia laores adöm por sconé i mers y i ozeans.</i> 
01.09.19 Dom. di Agnui Custodi 22^a DOMÈNIA DL ANN C <i>Dé mondial de oraziun por la sconanza dla creaziun</i>	9.00 Corona por vocaziuns 9.30 Gran Mëssa dla comunité cun benedisciun dl tëmp ++ Jan, Marianna y Linda Mühlmann	7.55 Corona 8.15 Gran Mëssa de rengraziamënt y comié de siur Ploan 15.00 Corona tla capela de S. Ujöp	
02.09.19 Lönesc <i>Ingrid, Zeno</i>			
03.09.19 Dedolönesc <i>Gregöre le Gran, Sofia</i>	19.30 Mëssa fam. Tone y Elsa Gasser + Sepl Trebo de Tor + Pire Unterweger		
04.09.19 Dedemesaledema <i>Irmgard, Iris, Rosalia</i>		7.30 Mëssa + Ida Clara Verginer	
05.09.19 Jöbia <i>Tarejia da Calcuta, Rosvita</i>	8.00 Mëssa de scomenciamënt dl ann de scora + Erna Frenner ++ Alfred y Erica Videsott	9.30 Mëssa de scomenciamënt dl ann de scora en onur dl Spirit Sant	
06.09.19 Pröm vëndres <i>Zacaria, Consolata</i>	19.00 Adoraziun chîta 19.30 Mëssa fam. Martin Costalunga + Giovanni Pescoller	7.00 Adoraziun y Confesciuns 7.30 Mëssa + Fonjo Castlunger	
07.09.19 Sabeda <i>Zeletin, Regina</i>	15.30 Mëssa tla Ciasa de Palsa 18.30 Mëssa prefestia ++ Cristina y Franz Conrater ++ Rinaldo y Rita Costabiei	20.00 Mëssa prefestia families de Iaco Castlungerr	
08.09.19 23^a DOMÈNIA DL ANN C <i>Nadé de Santa Maria</i>	9.00 Corona por vocaziuns 9.30 Gran Mëssa dla Comunité cun benedisciun dl tëmp	7.55 Corona 8.15 Gran Mëssa dla Comunité cun benedisciun dl tëmp 15.00 Corona tla capela de S. Ujöp	
L'Istitut Academich de Filosofia y Teologia da Porsenú mët a jî n curs por conduturs/ies dla Zelebrazion dla Parora de Dî por 11 sabedes dai 28/09/29 ai 16.05.20 tla Lichtenburg a Nals y por 5 dis indolater dai 22.06.20 cina ai 26.06.20 a Porsenú, vigni iade dales 08.30 cina ales 17.00. En chësc altonn mëtel indô man i Cursc de Teologia a Porsenú che döra trëi agn. Le pröm ann é conzepí sciöche curs fundamental, y i dui agn dedô sciöche cursc de spezialisaziun y de aprofondimënt. Ince chisc cursc vëgn tignis por 11 sabedes alalungia y por 5 dis indolater ala fin de jügn. Informaziuns plü avisa y iscriziuns por internet sot a Brixner Theologische Kurse – Vorlesungsverzeichnis 2019/20 La frecuënza de chisc cursc foss na resposta dër concreta al Signur che chir y chërda lauranc te süa vigna.			Tolon comié dales comunités da San Martin y Lungiarü, á siur Iaco imënt la fedelté a Gejú ch'al á impometü tles mans dl Vësko le dé de süa consacraziun y l'inciaria ch'al á ciafé da porté inant l'insegnamënt y la fede di apostui. Söl tru da ti jî do a Gejú sunse ince nos liá ite cun le sacramënt dl bato y insciö cherdá a formé le popul nü de Dî tla Dlijia. Por mantigní inant na fede via, nes racomana siur Iaco: l'incundaziun y la risposta ala parora de Dî, la formaziun religiosa personala, la dotrina y la trasmisciun dla fede ai mituns tla comunité y tles families; i sacramënc, dantadöt l'eucaristia, che é la fontana de vita y de uniun dla comunité cristiana y che nes scinca la presënza de Gejú Crist te süa Dlijia; la oraziun deboriada tla comunité y tles families che dá confort y speranza. La comunité dess ester l'espresciun dl amur cristian, dla pesc audada dal Ressorí y dl operé dl Spirit Sant. Inultima ti sporj siur Iaco n gran dilan a düc i colauradus che l'á daidé tla pastoral y tl'amministraziun; al é chësc n sorvisc che porta grazia.